

VODIČ ZA MOBILNOST



Univerzitet u Tuzli
Ured za međuuniverzitetsku saradnju u zemlji i inostranstvu
Juni, 2021. godine

Mobilnost nije sama sebi cilj, ona doprinosi razvoju pojedinca, institucije i društva u cjelini.

Mobilnost se smatra ključnim elementom internacionalizacije, jer je boravak u inostranstvu učinkovit način sticanja međunarodnih i interkulturalnih vještina.

Mobilnost doprinosi kvaliteti obrazovanja kroz inovaciju i internacionalizaciju nastavnih planova i programa i unapređenje načina podučavanja i učenja.

Mobilnost doprinosi boljoj zapošljivosti kroz unapređenje vještina kao što su komunikacijske vještine, poznavanje stranih jezika, rješavanje problema, prilagodljivost, timski rad ...



SADRŽAJ

STUDENTI

1. Moje Erasmus+ iskustvo
2. Mobilnost studenata
 - 2.1. Šta je mobilnost?
 - 2.2. Programi mobilnosti
 - 2.3. Šta je to stipendija?
 - 2.4. Ko može učestvovati?
3. Moje Erasmus+ iskustvo
4. Koraci do mobilnosti
5. Potrebni dokumenti za prijavu
6. Moje Erasmus+ iskustvo
7. Najčešće postavljena pitanja
8. Moje Erasmus+ iskustvo

OSOBLJE

1. Moje Erasmus+ iskustvo
2. Mobilnost osoblja
 - 2.1. Šta je mobilnost?
 - 2.2. Programi mobilnosti
 - 2.3. Šta je to stipendija?
 - 2.4. Ko može učestvovati?
3. Moje Erasmus+ iskustvo
4. Koraci do mobilnosti
5. Potrebni dokumenti za prijavu
6. Moje Erasmus+ iskustvo
7. Najčešće postavljena pitanja
8. Moje Erasmus+ iskustvo
 - 8.1. O mobilnosti iz ugla Dr.sci. Amra Bratovčić, vanr. prof.
 - 8.2. O mobilnosti iz ugla Dr.sci. Elvis Ahmetović, red. prof.

TIM UREDA

STUDENTI

1. Moje Erasmus+ iskustvo

Lijep pozdrav svima. Moje ime je Safet Mutapčija i ja sam proveo ljetni semestar 2020. godine kao student na razmjeni u Zagrebu. Prvenstveno sam bio pozitivno iznenađen samim sistemom obrazovanja koji je koncipiran tako da se kroz interaktivnu nastavu, te laboratorijske i terenske vježbe studentu u potpunosti približi problem iz realnog svijeta. Na taj način sam iz više kolegija, od početka do kraja, uz pomoć svjetski priznatih profesora rješavao aktualne inženjerske probleme i projekte. Zahvaljujući stečenom znanju vrlo brzo sam se snašao kao mladi inženjer na poslu kojeg sam počeo raditi u kratkom periodu nakon povratka u Bosnu i Hercegovinu. Svakako obrazovanje i struka nisu jedina beneficija Erasmus razmjena te kao i svako putovanje i selidba i ova je u moj život dovela



mnoštvo novih poznanstava iz cijelog svijeta krenuvši od daleke Azije preko bliskog Istoka, Istočne i Zapadne Evrope pa sve do Sjeverne i Južne Amerike. Naravno, svo to druženje donosi mnoštvo novih ideja, novih pogleda na svijet, novih izazova o kojima čovjek nije ni pomišljao. Pored izlazaka i raznih igara, neprespavanih noći u studentskim domovima, internacionalnih kuhinja, novih ljubavi, učenja tradicionalnih plesova, učenja mnoštva jezika, neizbježna su i zajednička putovanja koja su zbog korone bila djelomično ograničena, ali nismo dali da nam to pokvari naših pola godine zajedničkog života. Snašli smo se, pa smo putovali lokalno, vozili kampere, kampovali po zabačenim plažama Istre, istraživali napuštene hotele, plesali po Splitskoj rivi na kiši, prešli hiljade i hiljade kilometara rentanim autima, skakali iz aviona, spasili djevojku od samoubistva, čekali jutro pored Save, ratovali na laser tag-u, napravili ligu u odbojci, u vožnji kartinga i stvorili sve ostale nezaboravne uspomene. Ne treba se ustručavati, seek discomfort and remember „Stranger is just a friend you haven't met yet“. Sretno!

Student Safet Mutapčija, IV godina, RGGF

2. Mobilnost studenata

2.1. Šta je mobilnost?

Mobilnost podrazumijeva razmjenu studenata sa jedne visokoškolske ustanove na drugu.

Studenti Univerziteta u Tuzli mobilnost mogu ostvariti na univerzitetima sa kojima imamo potpisane sporazume o mobilnosti u zemljama Evropske unije i Republici Turskoj.

Kompletne liste zemalja i univerziteta gdje naši studenti mogu ići na mobilnost dostupne su na: <https://unitz.ba/saradnja/ums-saradnja/mobilnost/programi-mobilnosti/>.

Ukoliko želite primiti ove liste putem emaila, pišite nam na: internationalstudents@untz.ba

Veliki broj stipendija za studiranje u inostranstvu obezbjeđuju **vlade zemalja** preko svojih **ambasada**. Ukoliko ste zainteresovani za određenu zemlju sa kojom UNTZ nema sporazum o mobilnosti, kontaktirajte ambasadu te zemlje u BiH za više informacija!

2.2. Programi mobilnosti

Univerzitet u Tuzli trenutno učestvuje u sljedećim programima mobilnosti:

ERASMUS+
MEVLANA
CEEPUS


ERASMUS+

Ovo je najpopularniji program Evropske unije za obrazovanje, osposobljavanje, mlade i sport za period 2021-2027. Ciljevi programa Erasmus+ su poboljšanje vještina i zapošljivosti te modernizacija obrazovanja, osposobljavanja i zapošljavanja mladih.



MEVLANA

Mevlana je program čiji je cilj razmjena studenata i nastavnika sa turskih obrazovnih / visokoškolskih institucija.



CEEPUS

Ovo je srednjoevropski program za razmjenu studenata i profesora. Ovaj program omogućava mobilnost sa ciljem unapređenja obrazovanja na univerzitetima.



2.3. Šta je to stipendija?


Stipendija u okviru mobilnosti podrazumijeva finansijsku pomoć studentu za potrebe obrazovanja, profesionalnog usavršavanja ili istraživanja. Iznos stipendije zavisi od programa mobilnosti za koji student aplicira (Erasmus+, Mevlana, CEEPUS, itd.).

2.4. Ko može učestvovati?

Svi studenti bilo kojeg od tri ciklusa studija (bachelor, master, PhD) upisani u tekućoj akademskoj godini mogu biti učesnici mobilnosti.

3. Moje Erasmus+ iskustvo

Master studij na RGGF-u Univerziteta u Tuzli ću pamtit kao jedno od najljepših perioda u životu. Ono što sam učila na dodiplomskom studiju, lijepo smo zaokružili u jednu cjelinu, stekli neka nova znanja i profilirali se u buduće magistre svoje struke. Veliki udio u tome imalo je i moje Erasmus+ iskustvo, gdje sam ljetni semestar provela na razmjeni na Rudarsko-geološko-naftnom fakultetu




Sveučilišta u Zagrebu.

Iako sam u Zagrebu bila u periodu početka pandemije, mislim da to nije značajno utjecalo na kvalitetu studiranja, niti života uopćenito. U kratkom periodu po dolasku, upozнала sam vrlo značajne i inspirativne ljude iz područja naftnog inženjerstva, sudjelovala na Međunarodnom kongresu studenata naftnog inženjerstva, koji se održavao na RGN-u, išla s kolegama u obilazak geotermalne elektrane te prošla mnoštvo laboratorijskih ispitivanja na fakultetu.

Ono što je vrlo dragocjeno su svakako i poznanstva i prijateljstva, koja sam ostvarila s kolegama i nekim profesorima koji su mi predavali. Brižljivo čuvam uspomene na taj prekrasni grad, divne ljude i sjajne uslove studiranja. Stoga bih svima od srca preporučila da se odvaže i odu nekamo na razmjenu, jer će ih to zasigurno obogatiti i kao osobe i kao buduće stručnjake.

Studentica Božana Barušić, Master studij, RGGF

4. Koraci do mobilnosti



5. Potrebni dokumenti za prijavu

Prilikom apliciranja na mobilnost, student prilaže sljedeću dokumentaciju:

1. Prijavni obrazac
2. Fotografija (formata 35x45 mm)
3. Fotokopija pasoša (stranica sa generalijskim podacima)
4. CV na engleskom jeziku
5. Motivaciono pismo na engleskom jeziku
6. Prijedlog Erasmus+ Learning Agreement
7. Certifikat o poznavanju engleskog / njemačkog / španskog jezika, minimalno nivo B2
8. Za studente I ciklusa:
 - a) Prepis ocjena (preveden na engleski jezik) i/ili
 - b) Potvrda o statusu studenta izdata od strane fakulteta (prevedena na engleski jezik)
9. Za studente II ciklusa:
 - a) Potvrda o statusu studenta izdata od strane fakulteta (prevedena na engleski jezik) ili
 - b) Prepis ocjena – preveden na engleski jezik
10. Za studente III ciklusa:
 - a) Potvrda o statusu studenta izdata od strane fakulteta (prevedena na engleski jezik) i/ili
 - b) Prepis ocjena (preveden na engleski jezik i/ili
 - c) Kopije diploma I i II ciklusa (prevedene na engleski jezik)

6. Moje Erasmus+ iskustvo

Mjesto moje Erasmus+ razmjene bilo je u Kelnu, u Njemačkoj. Zajedno sa kolegama, bio sam upisan na TH Köln, a domaćin profesor bio je Prof. Dr. Ing. Hasan Smajić. Kroz ovu razmjenu upoznao sam mnogo studenata TH Köln-a, ali i kolege iz drugih država koji su došli na razmjenu. Pored prijateljstava i lijepih iskustava, u toku razmjene učio sam o automatizaciji u mašinstvu, što je do tada meni bilo nepoznato. Za vrijeme mog šestomjesečnog boravka, uspio sam napisati i odbraniti Master rad, te podići nivo znanja njemačkog jezika. Ova razmjena mi je donijela mnoga lijepa iskustva, i svakako, kada bih imao priliku, ponovno bih aplicirao. Svim sadašnjim i budućim studentima bih preporučio da apliciraju za razmjene koje im njihov fakultet omogući. Na tim razmjenama upoznat će nove ljude, drugačiji metod obrazovanja, koji se u dosta stvari razlikuje od onoga u BiH. Ja sam imao priliku da

radim sa uređajima i softverima koji mi na mom matičnom fakultetu nisu bili dostupni, a to znanje mi pomaže kroz moj sadašnji posao. Svim budućim učesnicima razmjene želim puno sreće i uspjeha.

Student Mirza Hadžihasanović, Master studij, Mašinski fakultet



7. Najčešće postavljena pitanja

(1) Koliko puta mogu ići na mobilnost?

O: U toku trajanja jednog ciklusa studija (I, II, ili III), student može otići dva puta na mobilnost.

(2) Da li će mi svi predmeti i ocjene biti priznati/e?

O: Ugovor o učenju garantuje priznavanje svih predmeta i ocjena po povratku sa mobilnosti. Zato je važno u Ugovoru o učenju specificirati predmete u dogovoru sa Uredom za međunarodnu saradnju, ECTS koordinatorom, predmetnim profesorima i dekanom/dekanicom.

(3) Da li mogu slušati predmete tokom mobilnosti koji nisu po mom nastavnom planu i programu, ali jesu iz oblasti koju studiram?

O: Studenti mogu tokom mobilnosti slušati jedan ili dva predmeta koji se ne nude na njihovom matičnom fakultetu, ali koji su iz njihove oblasti koju studiraju, kako bi stekli dodatna znanja i vještine. Često se ovakvi predmeti mogu priznati kao izborni predmeti. Za više informacija kontaktirajte Ured za međunarodnu saradnju.

8. Moje Erasmus+ iskustvo

Ne mogu reći da nisam imala poteškoća kada sam stigla u Wrocław. Prvi put sam tu, u nepoznatom gradu, nikoga ne poznajem, ne govorim Poljski jezik... Na moju sreću, u Wrocławu živi i studira jako puno studenata sa Balkana te je vrlo lako stupiti u kontakt s njima. Univerzitet ima stranicu ESN (Erasmus Student Network) čiji članovi dolaze iz svih zemalja svijeta i koji rado pomažu studentima koji su tu tek stigli. Na autobuskoj stanici nas je dočekao kolega iz Hrvatske koji je poznavao grad i koji nam je svakodnevno pomagao.

Svi mi „erasmusovci“, smo se trudili da iskoristimo svaki trenutak najbolje što možemo, a najviše novaca smo trošili na putovanja. Prvo putovanje smo organizovali već nakon deset dana. Tokom prvih šest mjeseci razmjene posjetila sam brojne gradove u Poljskoj, ali i druge države kao što su Češka, Njemačka, Austrija, Mađarska... Upoznala sam ljude iz raznih krajeva svijeta, čula mnogo različitih jezika, te dobila uspomene kakve samo Erasmus + može da vam priredi. Sada kada se sjetim koliko sam se plašila kako ću se uklopiti u društvo bude mi smiješno. Svi studenti su veseli, druželjubivi i rado će vam pomoći po pitanju bilo čega. Zamislite sjediti za istim stolom sa vršnjacima iz Poljske, Švedske, Fransucke, Njemačke, Belgije, SADA, Rusije, Engleske, Kosova, Ukrajine, Kine, Grčke, Maroka, Egipta... i slušati njihova iskustva, mogućnosti koje imaju, razgovarati o njihovom načinu života, o problemima i planovima, otkrivati različitosti u mentalitetu te vrijednosti koje imaju i sve to uspoređivati sa našom malom Bosnom i Hercegovinom. Sa tim ljudima sam često dočekivala zore, smijala se do suza, pjevala iz sveg glasa i plakala na njihove probleme kao da je svaki od njih moj.



Sistem učenja na Univerzitetu u Wrocławu mi je bio jako interesantan i odmah mi se dopao. Imali smo jako puno prakse što je meni kao studentici žurnalistike od velike važnosti. Univerzitet posjeduje i vlastitu radio stanicu u kojoj smo imali priliku da učimo i vježbamo, često smo radili i sa kamerama, uzimali intervjue, „išli na terene“ kao pravi novinari.

Sa novim dolaskom u ovaj grad stekla sam i nove prijatelje i još više trenutaka za pamćenje. Mene je ova razmjena mnogo promijenila. Postala sam zrelija, drugačije gledam na stvari i moja razmišljanja su mnogo ozbiljnija. Erasmus vam nudi priliku da odete u stranu zemlju i budete okruženi ljudima koji su potpuno drugačiji od vas, a u isto vrijeme se osjećate kao da ste kod kuće. Osobe koje upознаš tokom razmjene ne postanu ti samo prijatelji nego porodica, i za mene je to najbolje što Erasmus može da pruži.

Studentica Hajra Karahodžić, IV godina, Filozofski fakultet

OSOBLJE

1. Moje Erasmus+ iskustvo

O značaju mobilnosti za nastavnike i studente ne treba posebno govoriti. Moji studenti znaju da im često govorim kako je mobilnost važna za njihov lični razvoj, međukulturalni dijalog, ali za bolju mogućnost zaposlenja nakon završenog studija. Jedna od prvih mobilnosti u okviru Erasmus+ programa na kojoj sam učestvovala je bila na Bliskoistočnom univerzitetu u Ankari (Middle East Technical University) prije skoro pet godina. Studenti Filozofskog fakulteta su nekoliko puta boravili u okviru Erasmus projekta na Bliskoistočnom univerzitetu u Ankari, što je dodatno ojačalo veze s ovim prestižnim univerziteom. U novembru 2018. sam dobila poziv za pozvano predavanje na Edukacijskom fakultetu, te sad slobodno mogu kazati da nismo ni svjesni koliko jedna sedmica mobilnosti može biti važna za našu dalju edukaciju.



Filozofski fakultet Dr.sci.Nihada Delibegović Džanić, vanr. prof.
Mobilnost: Middle East Technical University, Turska
Mobilnost osoblja

2. Mobilnost osoblja

2.1. Šta je mobilnost?

Mobilnost podrazumijeva razmjenu osoblja sa jedne visokoškolske ustanove na drugu.

Osoblje Univerziteta u Tuzli mobilnost može ostvariti na univerzitetima sa kojima imamo potpisane sporazume o mobilnosti u zemljama Evropske unije i Republici Turskoj. Kompletne liste zemalja i univerziteta gdje osoblje može učestvovati u mobilnosti dostupne su na: <https://unitz.ba/saradnja/ums-saradnja/mobilnost/programi-mobilnosti/>. Mobilnost akademskog i administrativnog osoblja doprinosi usavršavanju vještina i kvalifikacija, te poboljšanju kvaliteta visokoobrazovnog procesa institucije. Mobilnost može trajati od 7 dana do 2 mjeseca.

2.2. Programi mobilnosti

Univerzitet u Tuzli trenutno učestvuje u sljedećim programima mobilnosti:

- ERASMUS+
- MEVLANA
- CEEPUS


ERASMUS+

Ovo je najpopularniji program Evropske unije za obrazovanje, osposobljavanje, mlade i sport za period 2021-2027. Ciljevi programa Erasmus+ su poboljšanje vještina i zapošljivosti te modernizacija obrazovanja, osposobljavanja i zapošljavanja mladih.



MEVLANA

Mevlana je program čiji je cilj razmjena studenata i nastavnika sa turskih obrazovnih / visokoškolskih institucija.



CEEPUS

Ovo je srednjoevropski program za razmjenu studenata i profesora. Ovaj program omogućava mobilnost sa ciljem unapređenja obrazovanja na univerzitetima.



2.3. Šta je to stipendija?

Stipendija u okviru mobilnosti podrazumijeva finansijsku pomoć studentu za potrebe obrazovanja, profesionalnog usavršavanja ili istraživanja. Iznos stipendije zavisi od programa mobilnosti za koji student aplicira (Erasmus+, Mevlana, CEEPUS, itd.). Iznosi stipendija odnosno dnevnic za akademsko i administrativno osoblje Univerziteta u Tuzli kreću se u zavisnosti od visine troškova života u programskoj zemlji u koju osoblje odlazi. Putni troškovi su isti za sve stipendiste i pokriveni su do određenog iznosa.

2.4. Ko može učestvovati?

Osoblje zaposleno po osnovu ugovora o radu na Univerzitetu u zvanjima: naučnonastavno/umjetničko-nastavno, saradničko zvanje asistenta ili višeg asistenta i administrativno osoblje zaposleno po ugovoru o radu na Univerzitetu.


3. Moje ERASMUS+ iskustvo



Iskustvo stečeno tokom Erasmus+ mobilnosti može se samo doživjeti, a riječima nemoguće opisati. Odlična organizacija posjeta fakultetima Univerziteta u Valenciji, održana predavanja, nova poznanstva, obilasci lokalnih atrakcija i gostoljubivost domaćina obogatili su moj život i rado ću ponovo da se vratim.

Prirodno-matematički fakultet Dr.sci.Mersiha Suljkanović, vanr.prof.
Mobilnosti: Univerzitet u Valenciji, Španija

4. Koraci do mobilnosti



5. Potrebni dokumenti za prijavu na mobilnost

Prilikom apliciranja na mobilnost, osoblje prilaže sljedeću dokumentaciju:

1. Prijavni obrazac
2. Skenirana stranica pasoša (stranica sa generalijskim podacima)
3. CV na engleskom jeziku
4. Erasmus+ Ugovor o mobilnosti (za obuku/nastavu)
5. Izjava o prethodnoj mobilnosti
6. Pozivno pismo

Ova lista predstavlja **najčešće tražene dokumente** kada se prijavljujete na programe mobilnosti. Pored navedenih dokumenata, ponekad u tekstu poziva traže se i sljedeći dokumenti:

- nominacijsko pismo
- pismo preporuke
- motivacijsko pismo

Nominacijsko pismo je dokument kojim se oficijelno nominuje kandidat za mobilnost.

6. Moje ERASMUS+ iskustvo



Učestvovao je u više navrata u Erasmus+ razmjeni na univerzitetima širom Evrope, ali bi izdvojio Univerzitet u Granadi, Španija odakle nosi pozitivno i bogato iskustvo koje je mogao dobiti samo razmjenom ideja i usvajanjem novih znanja i vještina.

Filozofski fakultet Dr.sci. Sanel Hadžiahmetović Jurida, vanr.prof.

Mobilnosti: Univerzitet u Granadi, Španija



Tokom studijskog boravaka sa domaćinima su dogovoreni mnogobrojni oblici buduće saradnje na polju naučno-istraživačkog rada. Studijski boravak je ocijenjen kao veoma uspješan što potvrđuju dodijeljeni certifikati. Profesor posebno zahvaljuje svim profesorima i studentima na aktivnom učešću tokom predavanja i interesu za razvoj turizma u BiH i zemljama Zapadnog Balkana. Ovo je četvrti studijski boravaka našeg profesora nakon Italije i Austrije na Univerzitetima u Bolonji i u Grazu, te Turske na Karamanoglu Mehmetbey Univerzitetu u Karamanu.

Ekonomski fakultet Dr.sci.Zijad Džafić, red.prof.
Mobilnosti: Pamukkale Univerzitet, Turska

7. Najčešće postavljana pitanja

(1) Kada će biti objavljen sljedeći poziv?

O: Zavisno od programa mobilnosti, odnosno institucije koja dodjeljuje stipendije, konkursi su obično otvoreni par mjeseci prije početka sljedećeg semestra.

(2) Gdje mogu naći objavljene pozive?

O: Pozivi se objavljuju na web stranici Univerziteta u Tuzli (<https://unitz.ba/saradnja/ured-za-medu-univerzitetsku-saradnju/stipendije/>)

(3) Šta je potrebno navesti u Ugovoru o mobilnosti?

O: U ugovoru o mobilnosti potrebno je navesti detalje o kojim studijskim područjima ćete se baviti tokom trajanja mobilnosti, te je bitno da se u ugovoru definišu podaci o osoblju, aktivnosti koje će se obavljati i da se definiše program posjete.

(4) Šta trebam prvo uraditi?

O: Vaš prvi korak jeste da pregledate listu stipendija odnosno poziva koji vas interesuju. Nakon toga kontaktirajte Ured za međunarodnu saradnju za dodatne informacije.

8. Moje ERASMUS+ iskustvo

8.1. O mobilnosti iz ugla Dr. sci. Amra Bratovčić, vanr. prof.

U proteklom periodu, tačnije od 2008. godine sam počela sa mobilnosti i koja traje i dan danas. Naime, moj prvi susret sa mobilnosti je značio veliki iskorak kako za mene tako i za Univerzitet u Tuzli. Dakle, 2009. godine odlazim na doktorski studij na Univerzitet Ferrara u Ferri u Italiji i tamo boravim do 2012. godine (cijelo vrijeme trajanja doktorskog studija).

Bio je to veliki izazov za mene, jer sam dobila priliku da istražujem u području „Fotokatalize“ koje me oduvijek zanimalo.

Nakon doktorskog studija, ostvarila sam niz postdoktorskih usavršavanja u Španiji i Italiji, a svaki puta razlog za apliciranje je bio isti (želja za provođenjem naučno-istraživačkog rada kojeg radi ograničenosti resursa nisam u mogućnosti napraviti na UNTZ, razmjena znanja i ideja kao i uspostavljanje novih kontakata i saradnje, zatim želja za postizanjem novih znanja i usavršavanja iz oblasti koja me zanima).

Ovim putem bih poslala ohrabrujuću poruku svim studentima, nastavnicima i saradnicima koji nisu do sada ostvarili mobilnost, da to bez odlaganja učine.

Rezultat mojih brojnih ostvarenih mobilnosti danas su uspostavljene saradnje širom svijeta, mnogo zajedničkih projekata, doktorskih disertacija, konferencija, druženja i mnogo drugih pozitivnih stvari.

Ovom prilikom se zahvaljujem i kolektivu Univerziteta u Tuzli koji je prepoznao i podržao svaki moj odlazak na usavršavanje.



Slika 1. Kurs Italijanskog jezika na Univerzitetu Ferrara u Italiji.

S poštovanjem,
Dr. sci. Amra Bratovčić, vanr. prof.

Prof.dr.sci. Amra Bratovčić, vanr. prof.



Slika 2. Dodjela doktorske nagrade od Italijanskog Hemijskog društva 2010, Parma, Italija.



Slika 3. Ljetna škola za vrijeme doktorskog studija Kreta, Grčka.



Slika 4. Ekскурzija sa Erasmus studentima u Granadi u Španiji.



Slika 5. Rad u laboratoriju u Granadi u Španiji



Slika 6. Istraživačka grupa sa kojom sam radila u Granadi u Španiji sa Prof. dr. Agustín F. Perez-Cadenas.



Slika 7. Ekскурzija u Lisabon sa studentima iz cijelog svijeta koji su došli na Erasmus na Univerzitet u Granadu u Španiju (dio 1).



Slika 8. Ekскурzija u Lisabon sa studentima iz cijelog svijeta koji su došli na Erasmus na Univerzitet u Granadu u Španiju (dio 2).



Slika 9. Staff mobility for training, ERASMUS+ at the University of Opole, Opole, Poland, 2018. Saradnja sa Prof.dr. Malgorzata Broda.



Slika 10. Saradnja sa Prof.dr. Radmila Tomovska sa Universidad del Pais Vasco/Euskal Herriko Unbertsitatea(UPV-EHU), Donostia-San Sebastian, ES; 2019.



Slika 11. Staff mobility for training, ERASMUS+ at the University of Opole, Opole, Poland, 2018. Saradnja sa Prof.dr. Malgorzata Broda.



8.2. O mobilnosti iz ugla Dr. sci. Elvis Ahmetović, red. prof.



Na osnovu pozitivnih iskustava iz mobilnosti, ohrabrujem sve buduće aplikante da uzmu aktivnije učešće u mobilnostima jer one omogućavaju sticanje novih znanja, iskustava, prijateljstava, upoznavanje istorije i kulture drugih zemalja, diseminaciju znanja, uspostavljanje nove i proširenje postojeće saradnje, ali isto tako i promociju matične države i institucije. Na kraju bih istakao da mi je zadovoljstvo promovirati mobilnosti u okviru Erasmus+ programa, te za bilo kakve dodatne informacije stojim svim zainteresovanim na raspolaganju.

Tehnološki fakultet

Dr.sci. Elvis Ahmetović, red.prof.

Mobilnost:Pamukkale Univerzitet, Turska



TIM UREDA

Dr. sci. Vesna Bratovčić, vanredni profesor,
Prorektorica za međuuniverzitetsku saradnju u
zemlji i inostranstvu

Mirha Mujkanović, prof. engleskog jezika i
književnosti, MA, Viši stručni saradnik

Selma Čebić Babajić, prof. engleskog jezika
i književnosti, Prevodilac

Za sva pitanja, informacije, pomoć..., ali i
dobre ideje i aktivnosti vezane za internacio-
nalizaciju Univerziteta u Tuzli, naša vrata su
vam širom otvorena!



KONTAKT

Prorektor za međuuniverzitetsku saradnju u zemlji i inostranstvu
dr. sci. Vesna Bratovčić, vanredni profesor

E-mail: vesna.bratovcic@untz.ba

Tel: + 387 (0)35 300 522

Viši stručni saradnik

Mirha Mujkanović, prof. engleskog jezika i književnosti, MA

E-mail: mirha.mujkanovic@untz.ba

internationalstudents@untz.ba

Tel: + 387 (0)35 300 529

Fax: + 387 (0)35 300 528

Prevodilac

Selma Čebić Babajić, prof. engleskog jezika i književnosti

E-mail: selma.cebic-babajic@untz.ba

international@untz.ba

Tel: + 387 (0)35 300 526

Tel/fax: + 387 (0)35 300 528

